

1930 йил  
12 майдан  
чиқа  
бошлаган



# ШОБИЎ

ЎЗБЕКИСТОН РЕСПУБЛИКАСИ ИИВ НАШРИ

№ 62 (3292)

1999 йил 18 июнь, жума

Баҳоси эркин нарҳда

Бош муҳаррир минбари

## ОҚ ХАЛАТЛИ МЕҲРИБОН КИШИЛАР

Милициянинг беором кундалик ҳаётида ички ишлар идораларида меҳнат қилаётган ҳар бир ходимнинг саломатлик посбонлари – Ўзбекистон Республикаси ИИВ тиббиёт муассасалари шифокорлари билан учрашишга тўғри келади. Энг оқ халат кийган бу меҳрибон кишиларни ҳақли равишда ҳуқуқни муҳофаза қилиш ходимларининг ҳамкасби дейиш мумкин. Зеро, айнан шулар олижаноблик, инсонпарварлик, саховатпешаликни ўзларида мужассам этиб, бор куч-имкониятлари даражасида саломатлигимизни муҳофаза қилишяпти.

Тинчлик ва осойишталикни таъминлаш, турли кўринишдаги ҳуқуқбузарликларнинг олдини олишда фидойилик кўрсатаётган кишиларнинг соғлиғига ғамхўрлик қилувчи шифокорлар меҳнатисиз ҳуқуқни муҳофаза қилиш идоралари фаолиятини тўлиқ тасаввур этиш қийин.

Шундай шарафли вазифани адо этаётган саломатлигимиз посбонларини касб байрами – Тиббиёт ходимлари кунини арафасида чин дилдан қутлаймиз ва уларга узоқ умр, сиҳат-саломатлик, хайрли ишларида улкан омадлар тилаймиз.

Халқимизда «Саломатлик – туман бойлик», деган доно нақл бор. Ҳуқуқ-тартибот посбонлари эса ўз саломатликларини икки баравар кўп эҳтиёт қилишлари зарур. Чунки милиция ходимлари имкониятдан ташқари қийин ҳолатларда хизмат бурчларини ўташларига тўғри келади.

Шуни эътиборга олиб, милиция ходимлари зиммаларидаги топшириқларни кўнгилдагидек бажариши учун барча имкониятлар ишга солинаяпти. Республика Ички ишлар вазирлиги раҳбарияти идоравий тиббиёт муассасалари фаолиятини такомиллаштириш, уларни замонавий асбоб-ускуналар билан жиҳозлаш ва дори-дармонлар билан етарлича таъминлашга катта эътибор қаратмоқда.

Бугунги кунда республика ИИВ тизимида Марказий поликлиника, стоматология поликлиникаси, «Жар» спорт-соғломлаштириш мажмуидаги тиббий пункт, яқингинада янги бинога кўчиб ўтган госпиталь, шунингдек барча вилоятларда тиббиёт масканлари ишлаб турибди. Мазкур соғлиқни сақлаш муассасаларида даволанувчиларга малакали хизмат кўрсатилаяпти.

Тиббиёт ходимлари байрами муносабати билан муассасаларда баракали меҳнат қилаётган врачлар, ҳамширалар, санитарлар, шунингдек бошқа турли хизматлар билан машғул бўлган ходимлар шу жойларда шифо топиб кетган кишилардан мақтовлар, самимий табриклар, дил сўзларини эшитишлари табиий.

Ўзбекистон Республикаси ИИВ Бирлашган тахририяти ходимлари ҳам бу тилақларга чин дилдан кўшилади. Бугунги кунда кўпларнинг саломатлигини муҳофаза қилаётган Х. Усмонов раҳбарлик қилаётган госпиталь, А. Аминов ва С. Мухамедовлар бошқараётган Марказий ҳамда стоматологик поликлиникалар, бошлиқ вазифасини бажарувчи, милиция подполковниги И. Раҳимов раҳбарлигида ички ишлар идоралари ходимлари куч-қувватини оширишга муносиб ҳисса қўшаётган «Жар» спорт-соғломлаштириш мажмуи жамоаларига катта раҳматлар айтамыз.

Ушбу қутлуғ дамларда энг оғир вазиятларда беморлар ва жароҳатланганларга тиббий ёрдам кўрсатишда касб маҳоратини намойиш қилган идоравий соғлиқни сақлаш фахрийлари Ю. Маҳмудов, Н. Акбаров, В. Трапезникова, В. Пономарёвалар кўпчиликдан илиқ сўзларни эшитишлари табиий. Агар газетамизда имконият бўлганда, ўз бурчларини ҳалол ўтаётган барча шифокорларнинг номини бирма-бир санаб ўтган бўлардик.

Ҳуқуқ-тартибот ходимлари республика Ички ишлар вазирлиги тизимидаги тиббиёт муассасаларида кўплаб олий малакали касб эгалари олижаноблик ва инсонпарварлик вазифасини сидқидилдан адо этишаётганини яхши билишади. Шу боис, зарурат туғилганда оқ халат кийган бу меҳрибон кишилар инсон ҳаётини сақлаб қолиш, саломатлигини мустаҳкамлаш учун бор куч-ғайрати, билими ва тажрибасини ишга солишига ишончлари комил.

Баракали меҳнатингиз учун раҳмат, сизларга!

Ажойиб врачлар, ҳамширалар, санитарлар ва оламдаги энг инсонпарвар соҳа – тиббиётга алоқадор бўлган барча кишиларни касб байрамлари билан самимий муборакбод этамыз.

## ШИФОКОРЛАР – САЛОМАТЛИК ПОСБОНЛАРИ



Миннатдорчилик

МЕН  
СИЗДАН 3  
ШИФО  
ТОПДИМ...



ҲАМ ЖИСМАН,  
ҲАМ РУҲАН  
ДАВОЛОВЧИ  
ШИФОКОР 9

Кўшиқ – кўнгул тору,  
Кўнгул эса жўра қозилор  
10  
Билмагани сўраб ўрганган олим

«ПУШАЙМОНДА ҚОЛИБ КЕТИНГ  
АЖАБ БЎЛСИН, АЖАБ БЎЛСИН»

Хонанда Тохиржон Шокиров билан суҳбат

11

MUNAJJIMLAR BASHORATI  
СУПЕРКРОССВОРД 12

### РЕСПУБЛИКА ИЧКИ ИШЛАР ВАЗИРЛИГИ МАТБУОТ МАРКАЗИ ХАБАР ҚИЛАДИ

Кеча Ўзбекистон Республикаси Ички ишлар вазирлигида республика оммавий ахборот воситалари вакиллари иштирокида матбуот конференцияси бўлиб ўтди.

Уни Ички ишлар вазирлиги Матбуот маркази бошлиғи, милиция подполковниги Ботир Зияев олиб борди. У оммавий ахборот воситалари вакилларига кейинги пайтда Тошкент шаҳрининг айрим одам гавжум жойларида қонунга хилоф равишда варақалар тарқатиш ҳоллари учраётганлигини ва ушбу варақаларда норасмий диний фундаменталистик асосдаги «Хизбут-тахрир» оқимининг даъватлари ҳамда халифалик давлати тузиш тўғрисидаги турли чақирув ва ташвиқотлар баён этилганлигини таъкидлаб ўтди.

Шунингдек, маърузачи мазкур ҳаракатлар Ўзбекистон Республикасининг амалдаги қонунларига зид бўлгани учун ички ишлар идоралари томонидан бу варақаларни тайёрлаб, тарқатувчи шахсларни аниқлашга қаратилган чоратadbирлар кўрилганлиги натижасида варақаларни тарқатишда фаол иштирок этган бир қатор шахслар аниқланиб, қўлга олинганлигини айтди.

Ушбу ҳолатлар юзасидан ўтказилган тергов жараёнида бу шахслардан кўпчилиги «Хизбут-тахрир» фаоллари томонидан ёлгон йўл билан варақа тарқатишга жалб қилинган ёшлар эканликлари аниқланди ва уларнинг чин кўнгилдан пушаймон бўлиб кўргазма берганликлари, тавба қилганликлари ҳамда шахслари инобатга олиниб, улардан 20 нафари қўйиб юборилди.

Ҳозирда яна беш-олти нафар ана шундай кимсалар устидан тергов ишлари олиб борилмоқда ва улар қилмишларига яраша қонун олдида жавоб берадилар.

### СУД ДАВОМ ЭТМОҚДА

Ўзбекистон Республикаси Олий судида шу йилнинг 16 февраль кунини Тошкентда мамлакат Президентига ва давлатимизнинг бошқа раҳбарлари ҳаётига ҳамда Конституциявий тузумга таъвоуз қилиш, кўпорувчилик, қотиллик ва бошқа ўта оғир жиноятлар содир этганликлари учун судланаётган 22 нафар кишига нисбатан очик суд мажлиси тарафларга: прокурор, адвокатлар, жабрланувчилар ва судланувчиларга музокараларга тайёргарлик кўриш учун берилган бир ҳафталик танаффусдан сўнг, 16 июнь кунини суд мажлиси давом эттирилди.

Тарафларга музокара учун сўз берилди. Музокарада сўзга чиққан прокурорлар – адлия катта маслаҳатчилари Б. Зоҳидов ва Н. Бобоев судланувчиларнинг содир этган жиноий ҳаракатларини чуқур ва атрофлича таҳлил қилиб, уларни уюшган қуролли гуруҳларни бирлаштириб, жиноий уюшма ташкил қилиш ва Ўзбекистон Республикасидаги вазиятни беқарорлаштириш мақсадида зўрлик ишлатиб, одамлар ўлимига сабабчи бўлган террорчилик ҳаракатларини содир этиш, мамлакат Президентини ҳаётига таъвоуз қилиш, кўпорувчилик, жавобгарликни оғирлаштирадиган ҳолатларда қасдан одам ўлдириш, уюшган гуруҳлар таркибида фуқароларнинг уйига қуролли ҳужум қилиб, уларнинг мулкани эгаллаш, миллий, этник адоват уйғотиш, контрабанда, ҳокимиятни босиб олиш, Ўзбекистон Республикаси Конституциявий тузумини ағдариш мақсадида фитна уюштириш, белгиланган тартибни бузиб, чет элга чиқиш ва бошқа ўта оғир жиноятларни содир этганликлари суд мажлисида ўз исботини топган деб ҳисоблаб, судланувчиларнинг барчасига, уларнинг ҳар бирининг содир этган айбига қараб жазо турларини қўллашни сўрадилар. Барча жабрланувчилар прокурорларнинг фикрларини қўллаб-қувватладилар.

Суд мажлисида маҳаллий ва чет эл оммавий ахборот воситаларининг вакиллари, шунингдек, хорижий мамлакатлар элчихоналари ходимлари қатнашмоқда.

Тарафларнинг музокара сўзлари давом этмоқда.

(ЎзА).



## ШИФОКОРЛАР — САЛОМАТЛИК ПОСБОНЛАРИ

Ўзбекистон Республикаси ИИБ поликлиникаси нафақат замонавий асбоб-ускуналари, балки олий малакали тиббиёт мутахассислари билан ҳам машхурдир.

Поликлиника бошлиғи, ички хизмат майори А. Аминов суҳбат чоғида шундай деди:

— Биз учун беморнинг малакали тиббий ёрдам, керакли тавсиялар олиши муҳимдир. Хасталикни албатта даволаш лозим. Шу маънода муассасамизда маблағ ва имкониятлар мавжуд. Мутахассисликлар бўйича аксарият хоналарнинг замонавий асбоб-ускуналар билан жиҳозлангани самарали даволаш имконини бермоқда. Бу ерда ўз касбининг усталари меҳнат қилишяпти. Жамоамизда тажрибали шифокорлар ва ҳамширалар кўпчиликти ташкил этади. Шу боис ёшлар тажрибали устозлардан кўп нарсани ўрганишяпти.

Гинекология бўлими доимо аёллар билан гавжум. Ушбу бўлим керакли асбоб-ускуналар билан жиҳозланган, дори-дармонлар етарли. "Болалар қанча кўп бўлса шунча яхши, — дейди шифокор гинеколог Н. Миракова. — Ўдакларнинг соғлом туғилиши мен учун катта бахт".



Н. Миракова.

## БУ ЕРДА ЎЗ КАСБИНИНГ УСТАЛАРИ ИШЛАШАДИ



М. Мирзжаева

Хонадонга бориб тиббий ёрдам кўрсатиш ва кундузи даволаш бўлими бошлиғи, ички хизмат катта лейтенанти М. Мирзжаеванинг қабулига барча ёшдаги кишилар келишади. Тиббиёт ходимлари беморларга ўз вақтида ёрдам кўрсатиш учун шаҳарнинг турли бурчакларига шошиладилар. Жойларда барча керакли таҳлиллар амалга оширилади. Фахрийлар ва нафақадорлар ҳам диққат марказида. Кундузи даволаш ҳамшираси И. Малишко ишни барвақт бошлайди. Чунки бу ерда кўпчилик ишлаб чиқаришдан ажралмаган ҳолда даволанмоқда.

И. Файзуллаева,  
З. Аҳмедова


Поликлиниканинг физиотерапия бўлимида мўъжизалар рўй бермоқда, десак муболага эмас. Масалан, уқаловчи Ф. Шарафуллина ҳузурига оғриқдан бели букчайиб қолган кекса майор кирди. Орадан ҳеч вақт ўтмай муолажа олган худди ёшлардек, хушчақчақ ҳолда чиқиб кетди. Терапия бўлими мудир, олий тоифадаги шифокор Р. Шомадиева тиббиёт ходимининг беморга нисбатан эътибори, ширинсўзлиги катта аҳамият касб этишини амалда исботламоқда. Физиотерапия соҳасида йигирма йилдан ортиқ ишлаган бу аёл муолажа буюришдан аввал нафақат ташхис қўйиш, тананинг барча ўзига хос томонларини пухта ўрганиш ҳам муҳимлигини яхши билади. Унинг шогирдлари — катта ҳамшира З. Аҳмедова, ҳамшира И. Файзуллаевалар устоздан сабоқ олишяпти.

Ф. Насретдинов,  
М. Гайнутдинова

1996 йилда ташкил этилган амбулатория жарроҳлиги бўлимида турли жарроҳликлар амалга оширилади. Жарроҳликдан сўнг бемор яна оиласига қайтиш учун тоза ва ёруғ хонада куч-қувват тўплайди. Мабодо бирор муаммо туғилса доим навбатчи шифокор ёрдамга тайёр.

Деярли барча дори-дармонлар шу ернинг ўзиде берилади.

Амбулатория жарроҳлиги бўлими мудир, ички хизмат капитани Б. Нурметовани жарроҳлик хонасида учратдик. У катта ҳамшира билан навбатдаги операцияга тайёргарлик кўраётган экан. Б. Нурметова ўзига ишониб топширилган вазифалар ҳақида гапирар.



Н. Собирова

Экан бўлимда ишлаётган ходимларга алоҳида тўхталди.

Олий тоифадаги шифокор, офтальмолог Н. Собированинг янги компьютерли автоўлчов система-

сини ўзлаштириши учун кўп вақт талаб этилмади. Эндиликда қабулига келган кишининг кўриш қобилиятини арзиманган вақт ичида аниқлашяпти. Яқин келажакда махсус жиҳоз олишса кўз жарроҳлигини ҳам амалга ошириш мумкин. Зеро, Н. Собирова бу борада зарур билим ва тажрибага эга.

Отолоринколог Ф. Насретдинов миқозлар саломатлигини пухта текшириши учун мавжуд асбоб-ускуналар қўл келаяпти. Бунда ҳамшира М. Гайнутдинова яқиндан ёрдам бераёттир.

Тиббиёт ходимлари билан суҳбатлашиб шунга амин бўлдикки, уларни бир мақсад — юқори малакали тиббий хизмат кўрсатиш, бор билим ва тажрибаларни одамлар соғлигини тиклашга бағишлаш истаги бирлаштириб турибди.

А. ЗОЛОТАРЁВА,  
М. САЙЧЕНКО, А. САПАРМАТОВ олган суратлар.

ПОСБОНЛАРНИНГ  
ПОСБОНИ

ИИБ шифохонасининг эски биноси 230 ўринга мўлжалланган бўлиб, сўнгги пайтларда жой етишмаслиги натижасида бир палатага тўрт-беш беморни жойлаштиришга тўғри келаётган эди. Тиббий ходимлар учун хизмат хоналари, муолажа хоналарининг етишмаслиги ҳам сезила бошлади. Янги бино 500 дан ортиқ беморга мўлжалланган, палаталар 2-3 ўринлик, беморларга барча маиший шароитлар яратилган. Тўғри, ҳозирча 120 ўринли 2 қаватли бино, реанимация бўлими ва компьютер томографияси бўлинмалари ишга тушди. Қолган биналарда таъмирлаш ишлари жадал давом этиляпти.

Икки оғиз компьютер томографияси бўлими ҳақида. Бўлима ускуналари тиббий техниканинг сўнгги ютуғи бўлиб, Германиянинг машхур "Сименс" фирмасида тайёрланган. Комплекс ташхис қўйишга мўлжалланган бундай апаратлар республикамизда санокли. Муҳими, касалхонада бундай техникада ишлаб оладиган малакали мутахассислар ҳам етарли.

Шифохонада физиотерапевтия муолажаларига алоҳида эътибор берилади — турли уқалаш, сув, электр муолажаси кабинетлари фаолият кўрсатади. Бўлимага тажрибали шифокор, тиббиёт фанлари номзои Х. А. Худоёров раҳбарлик қилади.

Илгари касалхонада жарроҳлик йўналишида битта бўлима фаолият кўрсатган бўлса, энди уларнинг сони 7 тага етади: кўз жарроҳлиги, йиринг жарроҳлиги, қулоқ-бурун жарроҳлиги, гинекологик жарроҳликлар шулар жумласидандир.

— Энг асосийси, шифохонамиз беморларга малакали ёрдам кўрсатадиган Г. С. Пономарёва, В. А. Трапезникова, Х. Қ. Эргашев каби тажрибали шифокорларга эга, — дейди фахр билан касалхона бошлиғи тиббиёт фанлари номзои, ички хизмат майори Х. Х. Усмонов.

Азиз шифокорлар! Сизлар ҳам қайсидир маънода эл осойишталиги посбонларига ҳамкасбсиз. Сизлар саломатлик посбонларисиз. Касб байрамингиз муборак бўлсин, бизнинг бошимизга тўрт мучангиз соғ бўлсин, қўлингиз дард кўрмайсин.

Бобомурод ТОШЕВ.

## ТАБАССУМИНГИЗДА СОҒЛОМЛИГИНГИЗ СЕЗИЛИБ ТУРСИН

Биз тиш шифокорига зарурат туғилгандагина мурожаат қилишга ўрганиб қолганмиз. Тиш даволанадиган ўриндик олдидаги болаликдан таниш кўркүв Ўзбекистон Республикаси ИИБ стоматология поликлиникасига мурожаат этганингизда ўз-ўзидан тарқ этади. Тиббиёт ходимларининг хушмуомалалиги ва хоналар замонавий асбоб-ускуналар билан жиҳозлангани оғриқни енгишга ёрдам беради.

Поликлиникада беморларни малакали даволаш учун барча имкониятлар ишга со-

линаяпти. Ҳозирда бу ерда таъмирлаш ишлари олиб борилаяпти, шунга қарамай барча бўлимлар тўхтовсиз фаолият кўрсатмоқда.

— Янги дори-дармон ва техникаларни албатта олишга ҳаракат қилаймиз, — деди поликлиника бошлиғи, ички хизмат подполковниги С. Муҳамедов. — Врачлар ва ҳамширалар малакасини ошириш мақсадида ҳар ҳафтада машғулотлар ўтказилаяпти.

Бу ерда кўрсатилаётган тиббий хизмат шаҳардаги шунга ўхшаш намунали тиббиёт муассасасидан асло

қолишмайди. Айнақса болалар саломатлигига катта эътибор берилаяпти. Болалар стоматолог шифокори С. Мамедова ва ортодонт З. Низомовлар кичкинтойлар чеҳрасида доим табассум бўлиши учун бор имкониятларни ишга солишяпти.

Олий тоифадаги шифокор М. Раҳимова тез-тез учраб турадиган хасталик — парадонтозга қарши аёвсиз кураш олиб бораёпти.

— Тиш ва милкларнинг бекаму кўстлиги, — деди жарроҳлик бўлими бошлиғи, ички хизмат майори Ю. Маҳ-

мудов, — ошқозон меъёрда бўлиши, кўз ва қулоқларнинг соғлом ривожланиши, демакдир. Бинобарин, талайгина муҳим аъзолар фаолияти тишининг соғломлигига боғлиқ.

Олий малакали терапевтлар Р. Муталов, Г. Дадажонов, Е. Ребенко, тажрибали жарроҳлар М. Мўминов, Д. Турсунов ва бошқалар поликлиникага ташриф буюрган ҳар бир миқоз бу ердан мамнун бўлиб кетиши учун бор куч-ғайратларини аяшмаёттир.

Ўз мухбиримиз.

## Муштарийлар мактуби

Ички ишлар идораларида ишлаётганимга 30 йилдан ошди. Ошқозоним ва бошқа аъзоларим бир неча марта операция қилингандан сўнг соғлигим кўтармай нафақага чиқдим. Кейинги пайтда радикулит, Остеохондроз хасталиклари тез-тез хуруж қилаяпти. Поликлиника ва госпиталдаги тиббиёт ходимларининг гамхўрлиги туфайли ишимни яна давом эттираяпман. Мендек нафақадорларга кўрсатаётган меҳрибончиликлари учун уларга раҳмат.

Юқоридаги касалликлар безовта қилганда юришим қийинлашди, кўпроқ ётадиган бўлиб қолдим. Билагим қаттиқ оғрир, қаддимни тик тутуш қийинлашган, қўлимда куч бўлмагани учун ҳатто чойнакни кўтара олмас эдим.

Невропатолог Н. Катаева ҳузурига ёрдам сўраб боришга мажбур бўлдим. 10 кун ичида мени оёққа тургазишди, меҳнат қобилиятим яна тикланди. Бунга эришиш учун шифокорлар кўп муолажалар қилишларига тўғри келди.

Физиотерапия бўлими ҳамширалари А. Леводная, О. Филатова, О. Алиевалар доим самимий муносабатда бўлишди. Биргина мен эмас, бошқа беморларга ҳам кўрсатилаётган гамхўрликдан руҳланиб оқ халат кийган бу инсонларга раҳматлар айтгим келади. Уларнинг ҳаётда борлиги биз-учун улкан бахт, деб уйлайман.

А. ЖУРАВЛЁВ,  
нафақадор, 2-гурух ногирони  
Тошкент шаҳри.

Тиббиёт ходимлари куни арафасида юксак касб маҳорати ва одамларга бўлган самимий муносабати учун Ўзбекистон Республикаси ИИБ марказий поликлиникаси шифокорлари Т. Ришенкова, Ж. Ҳакимова, С. Сергеева, О. Каримова, С. Семеншина, З. Ташимова, О. Вергелесова, А. Левадна, шунингдек болалар бўлими ҳамда рентген хонаси ходимларига чуқур миннатдорчилик билдирамиз. Улар доимо бор билим ва тажрибаларини аямай, малакали тиббий ёрдам кўрсатиб келишяпти. Кези келганда фойдали маслаҳатларини аяшмайди. Бахтимизга соғ-саломат бўлиб, хайрли ишларни давом эттираверсинлар!  
Ҳурмат билан: М. Орлов,  
Е. Богомазов, О. Ляшук,  
Холматовлар, Султоновлар,  
оиласи.



DUSHANBA 21

ЎзТВ I
6.30 «Ассалом, Ўзбекистон!»
8.00-8.40 «Тахлилнома»...
8.40 «Ўзбектеlevision» намойиш этади: «Амир Темур дурдоналари»...
Болаларнинг ёзги таътил кунларида:
10.05 «Шумтакалар». Мультсериал.

учрашув», Мультфильм)
18.40 «Ақл ёшдамас».
18.55 «Мусликий лаҳза».
19.00 «Давр». Ахборот дастури.

15.10 «СНН. Жаҳон янгиликлари» (инглиз тилида)
15.40 «Дурдаршан».
16.00 «Севги йўлида». Телесериал.

риал (АҚШ).
24.00 Тунги мусликий дам олиш канали.
РЖТ
5.00 «Хайрли тонг!».

эмас. «Ўшанда мен йиғламагандим». Ҳужжатли фильм.
19.30 «Тафсилотлар».
20.15 Николай Караченцов, Ларица Удовиченко ва Наталья Егорова «Хамма учун бўлган аёл» мелодрамасида.

18.30 «Нафи тегади».
18.55 «Сансет Бич муҳаббати ва сирлари». Сериал.
19.40 «Криминал».

4.00 Кўп йиллар аввал шу кун...
REN TV
17.15 «Севимли аёл» сериали.
18.15 «Реми» мультсериали.

SESHANBA 22

ЎзТВ I
6.30 «Ассалом, Ўзбекистон!»
8.00-8.30 «Ахборот»...
8.30 Республика газеталарининг шарҳи.

Телесериал.
20.20 «Ғазал соғинчи».
20.40 «Марду майдон».
21.00 «Давр». Ахборот дастури.

17.45 «Мультчархпалак». Ака-ука Гримм эртақлари. «Тўрт эпчил ака-укалар». 2-қисм.

10.50 «Хонаки кутубхона».
11.15 «Биргалашиб» дастури.
12.00 «Гаровга қўйилган ҳаёт».

9.45, 19.20, 00.35 — «Йул назорати».
10.00, 12.00, 14.00, 16.00, 19.00 — «ТСН-6».

7.00, 13.00 Мультфильмлар дастури.
7.30, 10.30, 13.30, 16.30, 19.30, 22.30, 1.30, 4.30 «Факт» ахборот дастури.

1.15 Тунги мусликий канал.
ТВ ПАРКАЗ
6.55, 8.15 «Навигатор». Ахборот-кўнғилочар дастури.









## ШИФОКОРЛАР — САЛОМАТЛИК ПОСБОНЛАРИ

## ҲАМ ЖИСМАН, ҲАМ РУҲАН ДАВОЛОВЧИ ШИФОКОР



Агар композициялари ранг-баранг ушбу расмлар муаллифини танимаганимда, эҳтимол уларни моҳир мусаввир яратган, деб ўйлардим. Бундай муваффақиятга эришиш учун кишида қизиқиш бўлиши озлик қилади, чуқур ҳис қилиш қобилияти ҳам талаб этилади. Қўлимдаги Тошкент вилояти ИИБ тиббиёт бўлими бошлиги, ички хизмат подполковниги М. Мирқосимов ижодига мансуб бир эмас, иккита эмас, талайгина карикатураларни ҳавас билан томоша қиламан.

Унда сурат чизишга бўлган ҳавас ўрта мактабда ўқиган чоғидаёқ уйғонган эди. Кунларнинг бирида суратларни расм ўқитувчиси кўриб қолди. Шундан сўнг бу ўқувчи иқтидорини инobatга

олиб, алоҳида топшириқлар бера бошлади.

Дарс пайтида болалар оддий нарсаларнинг суратини чизишса, Мирвосил уйдаги ликопчада турган медаларни кўз олдида келтириб, натюрмортни акс эттирарди.

Ўспириндаги мусаввирликка қизиқишдан таъсирланган ўқитувчи уни тасвирий санъат студиясига бошлаб борди. Мирвосил шу ерда ўз маҳоратини ошира бошлади.

Ёш мусаввирнинг ижодий ишлари бир неча марта кўргазмаларда намойиш этилиб, ҳайъат томонидан муносиб баҳоланди. Шу боис, унга Тошкент театр ва рассомчилик институтининг графика санъати факультетига йўланма берилди.

Аmmo Мирвосилга му-

савирлик насиб этмади. Чунки бу соҳага қизиқиш билан бирга унинг қалбида шифокор бўлиш орзуси яшарди.

У холаси ишлайдиган поликлиникага тез-тез бориб, оппоқ халат кийган шифокорнинг болажонларни даволашини завқ билан кузатарди. Хонадонда кимдир бармоғини пи-чоқ билан кесиб олса ёки гурра бўлган жойни даволаш керак бўлса, дарҳол Мирвосил ишга киришарди.

Шу боис, у Тошкент тиббиёт институтига ўқишга кирмоқчи эканлигини айтганда яқинларидан ҳеч ким ажабланмади.

Институтда Мирвосил жарроҳликни танлади. Тиббий билимини бойитиб борар экан, оддий жарроҳ эмас, балки олий тоифадаги мутахассис бўлиб етишишни орзу қиларди.

Мирвосил иккинчи босқичга ўтганда жарроҳлик бўлимида шифокор бўлиб ишлаш бошлади. Олий ўқув юртини тамомлагандан кейин ёпиқ турдаги касалхонада амалий кўникма олди, унга ички хизмат лейтенанти унвони берилди.

Мирвосил аканинг

организми наркоздан қаттиқ таъсирланиши туфайли узоқ вақт жарроҳлик билан шугуллашишга имкон бермади. У Тошкент вилояти ИИБга ҳарбий врачлик комиссияси раиси этиб тайинланди, 1996 йилдан эса тиббиёт бўлимини бошқармоқда.

Ўтган вақт мобайнида Мирвосил ака асосий ишидан ташқари ўз ўй-хаёлларини расмларда акс эттиришни сира унутмади. У муаммолардан бироз чалғиш, оғир иш кунидан сўнг ҳордиқ чиқариш мақсадида расм чизарди.

— Ҳар бир одам ўзича дам олади, — деди у. — Кимдир бўш вақтини теннис корти олдида, бошқа биров эса чойхонада ўтказади. Менга эса қоғоз, бўёқлар ва ўзбек миллий мумтоз санъатига оид бирор манзара бўлса кифоя.

Ҳозирда Мирвосил аканинг ижодхонасида талайгина карикатуралар термаси жамланган. Уларнинг аксарияти тиббий мавзуда. Муаллифнинг ай-

тишича, карикатуралар сюжетини ҳаётнинг ўзи белгилаб бермоқда.

— Ҳар гал мўйқалам билан ишлаганимдан сўнг кайфиятим кўтариларди, руҳимга куч-қувват қўшилганини ҳис этаман, — дейди Мирвосил ака.

Мирвосил Мирқосимов ижодхонасида анчагина карикатуралар тўплангач, муаллифда уларни кўпчилик ҳукмига ҳавола этиш истиаги тугилди. Қолаверса, бу карикатураларни фақат ўзи учун яратмаган-ку. У ҳамкасбларини тўплаб, улар фикри билан қизикди.

Карикатураларни диққат билан кузатган тиббиёт ходимларининг чеҳрасида беихтиёр табассум пайдо бўларди. Чунки уларда акс эттирилган манзаралар ва

қаҳрамонлар барчага яхши таниш эди.

Навбатдаги Кенгаш йиғилишида карикатураларни бошқарманинг бошқа ходимларига ҳам кўрсатишга қарор қилинди.

Шу мақсадда даволаш факультети хонаси вақтинча жиҳозланди. Бошқарма ва бўлимларга таклифномалар юборилди. Ташриф буюрганлар карикатураларни катта қизиқиш билан томоша қилдилар.

Ички хизмат подполковниги М. Мирқосимовнинг ижодий ишлари “Муштум” журнали, “По-стда” ва “На посту” газеталарида босилиб чиқмоқда. Мусаввирликка меҳр қўйган тиббиёт ходими ҳамон изланишда.

Ш. АҲМЕДОВ.



## САЛОМАТЛИК ЙЎЛИДА

**Вилоят ИИБ ходимларининг кўпчилиги ҳозирги поликлиника ўрнида фаолият кўрсатган тиббий пунктни эслаш олмаса керак. Унинг штатида бор-йўғи икки шифокор: стоматолог ва терапевт бор эди. Ўтган йигирма беш йил мобайнида ўша кўримсизгина тиббий пункт замонавий тиббий ускуналар билан жиҳозланган йирик шифо масканига айланди.**


**Поликлиниканинг бугуни, осойишталик посбонлари, уларнинг оила аъзолари саломатлигига гамхўрлик қилаётган ходимлари ҳақида мухбиримиз даволаш ишлари бўйича бошлик ўринбосари И. АБДУАЗИМОВА билан суҳбатлашди.**

— Ҳар қандай муассасанинг обрў-эътиборини ундаги ходимларнинг ўз касбига қай даражада усталигига қараб белгилайдилар. Шу ҳақда бироз тўхталсангиз.

— Жамоамизда тажрибали шифокорлар кўп. Уларнинг сафида учта фан номзоди, ўндан ортиқ олий ва биринчи тоифадаги шифокорлар борлигини айтиш кифоя. Н. Қозоқбоева, Х. Носирова, Л. Музаффарова, Г. Глухова, А. Губская, А. Ботинова кабилар бу соҳада узоқ йиллардан буён ишлаб келаяптилар. Шунинг учун ҳам биз нафақат малакали тиббий ёрдам кўрсата оламиз, балки касалликни энди бошланганда аниқлаб, тез давосини қиламиз.

— Аниқ ташхис — самарали муолажа гарови. Поликлиника қандай ташхис-муолажа ускуналари билан жиҳозланган?

— Поликлиникада замонавий тиббий техник воситалар



талайгина, жумладан ташхис ва муолажа воситалари ҳам. Ультратовуш ташхиси приборини беморларимиз УЗД номи билан яхши билишади. Бу ускуна ҳомиланинг жинсидан тортиб бутун организмдаги турли хасталикларни аниқлаш имконини ҳам беради.

Фибрагастроскоп бизнинг муассаса учун жуда керак прибор, чунки ички ишлар ходим-

лари ўртасида ҳазм аъзолари фаолиятининг бузилиши хасталиклари тез-тез учрайди.

Лазер асбоблари ҳам бор. Улар ёрдамида ҳам ташхис қўйилади, ҳам муолажа қилинади.

Тиш шифокори замонавий стоматологик ускуна ёрдамида тишларни огриксиз даволайди.

— ИИБ поликлиникаси бош тиббий муассаса сифатида яқин атрофдаги шахар, туман ички ишлар ходимла-

ҳам хизмат кўрсатилади.

— Поликлиникада беморларни бевосита даволаш имкони борми?

— Албатта, поликлиникамизда фавқулодда тиббий ёрдам кўрсатиш учун зарур дори-дармонлар етарли. Бундан ташқари, кундузги шифона фаолият кўрсатмоқда. Илгари бу ерда хизматдан ажралмаган ҳолда 2 киши даволаниши мумкин бўлса, ҳозирда ўринлар сони 7 тага етди. Шифонада кабинет тизимидан фойдаланилади — шифокор ҳар бир бемор билан яқин тартибда шугулланиш имконига эга.

Психофизиологик ором хонаси ҳақида ҳам икки оғиз гапирсам. Яқинда ишга тушган бу кабинетнинг вазифаси ходимларнинг тажанг ҳолатини тарқатиш. Кабинетда беморларни ухлатувчи прибор бор.

ИИБ стадиони негизда даволаш-соғломлаштириш маркази тузилган. Унга физиотерапия, уқалаш кабинетлари, шифобахш жисмоний тарбия зали қиради. Марказга шифокор Ф. Бобрин раҳбарлик қилади.

— Ҳар қандай хасталикни даволашдан кўра олдини олиш осонроқ. Поликлиникада профилактик тадбирларга эътибор қандай?

— Профилактик тадбирларнинг аҳамияти катта. Ҳозирда барча ходимларни режадаги тиббий кўриқдан ўтказяпмиз.

Поликлиника шифокорларидан тузилган бригадалар жойларда бўлишяпти.

Кўрик чоғида ходимларнинг ўзлари беҳабар хасталиклари ҳам аниқланади. Фараз қилинг, бўйи нақ 2 метр келадиган йигитнинг вазни бор-йўғи 60-65 кг чиқади. Номувофиқликнинг сабаби ҳазм аъзоларининг хасталигида бўлиб чиқади. Кўрик якунлари кўра диспансер гуруҳлари тузилиб, улар ҳар бир беморга тавсия қилинган даволаниш тадбирларининг бажарилишини назорат қилади.

Оддий ходимлар йилда бир марта тиббий кўриқдан ўтса, раҳбарлар икки марта текширилади. Сабаби, уларнинг чекига кўпроқ “юк” тушади, демаски улар кўпроқ касалга чалинишга мойил бўлади.

— Аёллар йилида поликлиника ўз зиммасига қандай кўшимча хизматлар кўрсатишни олди?

— Янги хизмат турларимизни биринчи галда она бўлишга тайёрланаётган аёлларимиз

ҳис қилишди. Поликлиника уларнинг барчасини ҳисобга олиб, ҳомиладорликнинг қандай кечилиши кузатиб боради.

Шифокорлар аёлларимизнинг хизмат жойи шарт-шароитларини текшириб турадилар. Агар уларнинг соғлиги эгаллаб турган лавозимида муваффақиятли ишлашига имкон бермаса, хизмат шароити уларнинг саломатлигига салбий таъсир кўрсатаётган бўлса, раҳбариятга уларни бошқа ишга ўтказиш таклиф этилади. Бундай масалалар доимо ижобий ҳал қилинапти.

Ҳар йили касб байрами кунини поликлиникада ўз кучимиз билан тиббий ҳамширалар кўрик-танловини ўтказиб келамиз. Бу йил ҳам бундан истисно бўлмади.

Ўз мухбиримиз.

СУРАТДА: кундузги шифонада.

Сурат муаллифи Е. ЛЕЙТМАН.

## ФОЛИБЛАР АНИҚЛАНДИ

Яқинда Бухоро вилояти ИИБ поликлиникасида тиббиёт ходимларининг касб байрами муносабати билан “Ҳамшира-99” кўрик-танлови ўтказилди. Танлов Ўзбекистон Республикаси ИИБ Тиббиёт Бошқармаси кўрсатмаси асосида ташкил қилиниб, унда 14 ҳамшира ўзаро беллашдилар.

Кўрик-танлов шартларига асосан ҳамшираларнинг Ўзбекистон тарихи, санъат ва адабиёт, тиббиёт бўйича назарий билимлари текширилди. Улар уй бекалиги, тиббиёт амалиёти ҳамда эркин мавзудаги бошқа топшириқлар юзасидан ҳам куч синашдилар.

Кўрик-танлов якунлари бўйича 1-ўрин Г.Қодировага, 2-ўрин З.Мингалиевага, 3-ўрин эса Ш.Ҳамидовага насиб этди. Фолиблар пул мукофотлари билан тақдирланди.

Х.БОЛТАЕВ,

Бухоро вилояти ИИБ матбуот гуруҳи катта инспектори, милиция подполковниги.



«ПУШАЙМОНДА ҚОЛИБ КЕТИНГ АЖАБ БЎЛСИН, АЖАБ БЎЛСИН»

Хонанда Тоҳиржон Шокиров билан суҳбат

Фарғоналик хушовоз хонанда Тоҳиржон Шокировнинг кўшиқларини севиб тинглаётганлар сони тобора ортиб бормоқда, сабаби унинг овози ўзига хос, кўшиқлари ҳам бошқаларникига ўхшамайди...

— Санъатга кириб келишингиз ҳақида нималар дейсиз?
— Бизнинг оилада дадам санъат шайдо-си. Мен ўзимдаги барча яхши нарсаларга дадам туфайли эришдим...

ви Фарғона вилояти биринчилиги ғолиби бўлдим. Шу менга катта парвоз бўлди.
Мен олтириқлик ижодкорлар — Мақсуда-хон опа Эргашева, Каримжон Турсуновларнинг шеър ва кўшиқларидан кенг фойдаланаман...



Киши зиммасига юклатилган ҳар қандай вазифага сиз қилдилан ёндошса, шаксиз иззат-ҳурмати, обрўси ошади, ҳамкасблари орасида юзи ёруғ бўлади...

Ж. ОТЕНИЯЗОВ

Хар кимки жафо қилса...

ТУВАНЛИК

— Ҳой Расул, деворнинг устида нима қилиб ўтирибсан?
— Ўқишга бормай, онангдан яшириниб ўтирибсанми? — кўшининг ўзи тенги боласи Қайип уни кўра бақирди.

— Опа, опа, уйда биров юрибди!
— У бақирганича хонадан чиққан заҳоти қора кўланка қўлидаги болтанинг юзи билан унинг бошига уриб, қулатди.

ғидан бошқа нарса тополмади. Қўрқанидан калтираб ўтирган укасини бир тепганди — Расул хушдан кетди. Турди узун шурни олиб Расулнинг оёқ-қўлини боғлади...

БУ ГУГУРТЛАР ОЛОВ УЧУН ЭМАС...

Тошкентдаги Отчопар бозоридан республикаимизнинг истаган жойига бориш учун олов топилади. Фақат нарх-ни келишсангиз бўлди.

Машинадаги бошқа икки йўловчи Баҳодир Йўлдошев ва Аҳмаджон Хидировлар суз-замол йигитдан ҳеч шубҳа қилганлари йўқ.

Олдини талмовсираб турган Қосимжон барибир айбини бўйнига олишга мажбур бўлди. Унинг айтишича, Қўйлик бозорида Серёжа исмли шахсга дуч келибди.


ШАХСИ АНИКЛАНМОҚДА
Қибрай тумани ИИБ томонидан 1997 йил 18 июнь кўни Қибрай тумани, Тузель кўрғони "Хўкизорол" карьеридаги сунъий кўлдан топиладган, Европа миллатига мансуб ёши 50-55ларда бўлган аёл мурдасининг шахси аниқланмоқда.

КИДИРИЛМОҚДА
Марҳамат тумани ИИБ томонидан жиноят содир этиб, терговдан яшириниб юрган қуйидаги шахслар қидирилмоқда.

Қорақалпоқчадан милиция подполковниги И. ПИРМАТОВ таржимаси.



Тўхтамурад Хожимуродов, 1955 йилда туғилган, Марҳамат шаҳри Навоий кўчасида яшаган.



Йўлдош Норинов, 1960 йилда туғилган, Марҳамат тумани Гар-гар маҳалласида яшаган.

